

নিয়মিত ছাত্র সংসদ নির্বাচন না হলে গণতন্ত্র সংকুচিত হবে - জাতীয় বিশ্ববিদ্যালয় উপাচার্য

সংবাদ : | প্রতিনিধি, গাজীপুর

| ঢাকা, বৃহস্পতিবার, ১৭ অক্টোবর ২০১৯

জাতীয় বিশ্ববিদ্যালয়ের উপাচার্য প্রফেসর ড. হারুন-অর-রশিদ বলেছেন বিশ্ববিদ্যালয়গুলোতে নিয়মিত ছাত্রসংসদ নির্বাচন না হওয়ার কারণে র‍্যাগিং, টচারের মতো জঘন্য ঘটনা সংঘটিত হওয়ার সুযোগ পাচ্ছে। নিয়মিত ছাত্রসংসদ নির্বাচন না হলে দেশে অপরাধনীতি ঘটবে, গণতন্ত্র সংকুচিত হবে এবং অপশক্তির উত্থান ঘটবে। দেশে রাষ্ট্র ও সরকার ব্যবস্থা গণতান্ত্রিক চরিত্র হারাবে।’

গতকাল সকালে জাতীয় বিশ্ববিদ্যালয়ের মূল ক্যাম্পাসের সিনেট হলে কলেজ অ্যাডুকেশন ডেভেলপমেন্ট প্রজেক্টের (সিইডিপি) ৭ম ব্যাচের শিক্ষক-প্রশিক্ষণ কার্যক্রমের সমাপনী ও সনদ বিতরণ অনুষ্ঠানে প্রধান অতিথির বক্তব্যে এসব কথা বলেন উপাচার্য। (১৬ পৃষ্ঠার পর)

উপাচার্য বলেন, ‘আমাদের দেশের শিক্ষাক্ষেত্রে প্রধান সমস্যা হচ্ছে শিক্ষকদের মধ্যে পেশাদারিত্বের অভাব। শিক্ষাপ্রতিষ্ঠানে র‍্যাগিং, টচার সেল সৃষ্টি অভাবনীয় ঘটনা। এর দায়-দায়িত্ব

ওইসব শিক্ষাপ্রাচ্যানের প্রধান ও শিক্ষকগণ কিছুতেই এড়াতে পারেন না।’

তিনি বলেন আজ সমাজে এবং ছাত্র রাজনীতির নামে যা চলছে তা কিছুতেই রাজনীতি নয়। বরং তা রাজনীতির সম্পূর্ণ পরিপন্থী। স্বাধীন বাংলাদেশে ঔপনিবেশিক আমলের রাজনীতি চলতে পারে না। তাই আমাদের সমাজ, রাজনীতি, উন্নয়ন ভাবনার মতো মৌলিক বিষয়াবলী অগ্রভাগে রেখে রাজনীতি ঠিক রাখা প্রয়োজন। উপাচার্য সিইডিপির ৭ম ব্যাচের সমাপনী অনুষ্ঠান শেষে প্রশিক্ষণে অংশ নেয়া ১২৬ জন শিক্ষকের হাতে সনদ তুলে দেন। এর মধ্যে মার্কেটিং বিভাগে ৩৬ জন, সমাজবিজ্ঞান বিভাগে ৩৫ জন, রসায়নে ১৭ জন ও অর্থনীতিতে ৩৮ জনকে সনদ দেয়া হয়। স্নাতকোত্তর শিক্ষা, প্রশিক্ষণ ও গবেষণা কেন্দ্রের ডিন প্রফেসর ড. মো. আনোয়ার হোসেনের সভাপতিত্বে সমাপনী অনুষ্ঠানে অন্যদের মধ্যে উপস্থিত ছিলেন উপউপাচার্য প্রফেসর ড. মশিউর রহমান, কোষাধ্যক্ষ প্রফেসর মো. নোমান উর রশীদ, ডিনবৃন্দ, রেজিস্ট্রারসহ বিভাগীয় প্রধানগণ।

অনুষ্ঠানে কোর্স উপদেষ্টা হিসেবে উপস্থিত ছিলেন বিশ্ববিদ্যালয়ের মার্কেটিং বিভাগের প্রফেসর ড. সমীর কুমার শীল, সমাজবিজ্ঞান বিভাগের প্রফেসর ড. মনিরুল ইসলাম খান, রসায়ন বিভাগের প্রফেসর ড. মো. আবু বিন হাসান সুসান, অর্থনীতি বিভাগের প্রফেসর ড. মোহাম্মদ হেলাল উদ্দিন।